

# Kalaallit Oscariannut Ataatsimiititaliaq pillugu malittarisassat

## Taaguutaa

§ 1. Taaguutaa kalaallisuujuvoq Kalaallit Oscariannut Ataatsimiititaliaq aamma tuluttut taaguutigaa Greenland Oscar Committee (tulliuttuni taaguutigaa 'ataatsimiititaliaq').

## Sumut attuumassuteqarnera

§ 2. Ataatsimiititaliaq Film.gl-imut attuumassuteqarpoq.

## Siunertaa atuuffialu

§ 3. Ataatsimiititaliap siunertaraa ukiut tamaasa kalaallit filmiliaannik tigusaqartarnissaq aamma aallertarnissaq, naliliinissaq siunertaralugu aamma toqqassallugu filmit sorliit Kalaallit Nunaanneersut Kalaallit Oscariannik toqqarneqassanersut aalajangersimasumik sammisami 'Best international Feature'.

*Imm. 2.* Ataatsimiititaliaq aamma filminik toqqaassaaq aalajangersimasumik sammisani "Best Short Film", "Best Documentary" aamma "Best Documentary Short" aammalu sammisanut allanut, ukiuni aalajangersimasuni kalaallit filmiliaannik taakkununga nalequttunik pitsaassusilinnillu takkuttoqassagaluarpata.

*Imm. 3.* Ataatsimiititaliap atuuffeqarnermigut Academy Awards of Merit, Academy of Motion Picture Arts and Sciences-imeersut qaqugukkulluunniit malittarisassat atuuttut malissavai.

## Kalaallit filmiliaat

§ 4. Kalaallit filmiliaat tassaapput filmit, suliarinnittui (producerit) 50 procenti qaangerlugu amerlassuseqartut Kalaallit Nunaanni aalajangersimasumik najugaqarpata. (Inuit allattorsimaffianut nalunaarsimasut), imaluunniit suliffeqarfik/suliffeqarfiit, Kalaallit Nunaanni angerlarsimaffeqarpata (akileraarusigassaappata), imaluunniit suliarinnittut akisussaasut (producerit) 50 procenti qaangerlugu amerlassuseqartut Kalaallit Nunaata avataani aalajangersimasumik najugaqarpata (Inuit allattorsimaffianut nalunaarsimasut), aamma qanittumik ilaqtariinnikkut Kalaallit Nunaannut attuumassuteqarpata.

*Imm. 2.* Ataatsimiititaliap aalajangertarpaa filmi kalaallit filmiliaattut nalilerneqassanersoq. Ataatsimiititaliap aalajangernera allanngortinneqarsinnaanngilaq.

## Ilaasortat

§ 5. Ataatsimiititaliaq aqqanilinnik (11) ilaasortaqarpoq.

*Imm. 2.* Ilaasortat aqqanillit peqatigiiffinniit ukunannga toqqarneqartarput: Ilaasortat tallimat (5) Film.gl.

Ilaasortat marluk (2) SILA, Isiginnaartitsinermik Suliallit.

Ilaasortaq ataaseq (1) EPI, Eqqumiitsuliornikkut Pinngorartitsisut Ingerlatsisullu.

Ilaasortaq ataaseq (1) Kalaallit Nunaanni Eqqumiitsuliornermut Aningaasaateqarfik.

Ilaasortaq ataaseq (1) filmertarfiit ataatsimoorlutik

(Ilulissani, Sisimiuni aamma Nuuummi filmertarfiit).

Ilaasortaq ataaseq (1) KNR, Kalaallit Nunaata Radioa.

*Imm. 3.* Peqatigiiffiit immikkut toqqaanissaminni periusertik nammineerlutik aalajangissavaat.

*Imm. 4.* Ilaasortat arfineq marluk (7) Film.gl-imiit aamma SILA-miit toqqarneqartut

filmmakeriussapput. Filmmaker tassaavoq inuk filmiliornermi siammarterneqarneranilu peqataasoq imaluunniit peqataasimasoq, assiliiviup saavaniissimasoq imaluunniit tunuaniissimasoq.

*Imm. 5.* Filminut nalilersuinissamut tiguneqartunut aaneqartunullu tunngatillugu attuumavallaarnermut malittarisassat nalinginnaasut ilaasortanut atuupput.

*Imm. 6.* Attuumavallaarnermut tunngatillugu tamanna assortuussutigineqarpat, taava tamanna Film.gl-ip siulersuisuinut aalajangiiffigisassanngorlugu saqqummiunneqassaaq. Siulersuisut aalajangiinerat allanngortinneqarsinnaanngilaq.

*Imm. 7.* Attuumavallaarnek pequtaalluni ilaasortaq taasinermi peqataasinnaanngippat, peqatigiiffik tunuliaqutaasoq ukiumut tassunga toqqaanermut taasinernullu ilaasortassamik toqqaagallarsinnaavoq. Peqatigiiffiit namminnek akisussaaffigaat inuk attuumavallaanngitsoq ilaasortatut minnerpaamik ullut arfineq-marluk taasinnisaq sioqqullugu nalunaarutigissallugu. Inuk attuumavallaartoq ilaasortassatut ulloq nalunaarfissaq nallertinnagu nalunaarutigineqarsimanngippat, taava taanna taasinnissamut ilaatinneqarsinnaanngilaq.

*Imm. 8.* Ilaasortaq ataatsimiititaliap piffissaliussaani peqataasanngippat, taava ilaasortaq tunuartinneqassaaq, ilaasortassatullu ataavartussaqaq nutaaq peqatigiiffiup sassartissavaa.

*Imm. 9.* Ataatsimiititaliap aalajangertarpa ilaasortap peqataasannginera tunuartsinermik kinguneqassasoq. Siulersuisut aalajangiinerat allanngortinneqarsinnaanngilaq.

*Imm. 10.* Ilaasortaq ukiut ataasiakkaarlugit ilaasortaasarpoq. Kisianni ilaasortat 2022-mi toqqarneqartut ilaasortaassapput 2024-mi Oscarimik tunniussinerup kingornata tungaanut.

*Imm. 11.* Ilaasortat toqqaqqinneqarsinnaapput. Ilaasortaq annerpaamik pingasoriarluni tulleriinnik toqqarneqarsinnaavoq.

*Imm. 12.* Ilaasortat nutaat Oscarimik tunniussinerup kinguneratigut toqqarneqartarput. Kisianni siullerpaamik toqqaasoqassaaq 2022-mi tullissaanilu 2024-mi.

*Imm. 13.* Peqatigiiffinnit tamanit ilaasortanik toqqaaneq Film.gl-ip siulersuisuinut nalunaarutigineqassaaq ukiumoortumik Oscarimik tunniussinerup kingornatigut kingusinnerpaamik qaammatip ataatsip iluani. 2022-mi peqatigiiffinniit ilaasortanik toqqaaneq Film.gl-ip siulersuisuinut nalunaarutigineqassaaq kingusinnerpaamik 1. december 2022.

*Imm. 14.* Peqatigiiffik ukiuni tulleriinni marlunni ilaasortassamik toqqaanngippat, peqatigiiffik taanna ilaasortatut peerneqarsinnaavoq, peqatigiiffimillu nutaamik ataatsimiititaliami ilaasortanngortitsinnaavoq. Tamanna pillugu aalajangiinissaq Film.gl-ip siulersuisuisa aalajangiiffigissavaat. Siulersuisut aalajangiinerat allanngortinneqarsinnaanngilaq.

*Imm. 15.* Ilaasortat tamarmik ataatsimiititaliami ilaasortaanerminnut atatillugu aningaasarsiaqanngillat.

## **Inissinneq atuuffillu**

§ 6. Siulersuisut nammineq inissittarput siulittaasumik, siulittaasup tullianik aamma ataatsimiititaliami ilaasortanik qulingiluanik (9) inissinikkut.

*Imm. 2.* Siulittaasoq aamma siulittaasup tullia ilaasortat filmmakeriusut akornanni toqqarneqartarput.

*Imm. 3.* Siulittaasoq aamma siulittaasup tullia aalajangersimasunik Kalaallit Nunanni najugaqassapput (Inuit allattorsimaffianut nalunaarsimasut).

*Imm. 4.* Ataatsimiititaliaq ataatsimiinnerup aallartinnerani imaqarniliortumik toqqaasassapput.

*Imm. 5.* Ataatsimiititaliap qulakkiissavaa ataatsimiinnerni tamani imaqarniliamik suliaqartoqartarnissaa, imaqarniliarlu taanna ilaasortanit peqataasunit tamanit atsiorneqartassaaq.

*Imm. 6.* Ataatsimiititaliaq aalajangiussisassaaq peqataasuni nalinginnaasumik amerlanerussuteqartoqarneratigut.

*Imm. 7.* Ataatsimiititaliaq suloriusissani nammineq aalajangiiffigisarpaa.

### **Tigusaqarneq aallertarnerlu**

§ 7. Ataatsimiititaliap siulittaasuata pissusissamisoortumik aamma piffissaliussaq sioqqullugu avammut nalunaarutigissavaa filmilianik nalilersugassanik tigusaqarnissaaq.

*Imm. 2.* Ataatsimiititaliap siulittaasuata nammineerluni filmilianik ataatsimiititaliap ilisimasaanik aallertassaaq.

### **Naliliineq**

§ 8. Ilaasortat tamarmik filmiliat tiguneqarsimasut aamma aaneqarsimasut isiginnaarnissaanut pisussaaffiligaapput.

*Imm. 2.* Ilaasortat tamarmik filmiliat tiguneqarsimasut aamma aaneqarsimasut isiginnaarnissaanut periarfissinneqassasut siulittaasup akisussaaffigaa.

*Imm. 3.* Ataatsimiititaliap aalajangiussinnaavaa toqqaanissaaq sioqqullugu filmiliat nalilersussallugit.

### **Qinersineq**

§ 9. Taasinerni ilaasortat tamarmik immikkut taasinermik ataatsimik taasisinnaapput.

*Imm. 2.* Ataatsimiititaliap nammineerluni taaseriaaseq qanoq ittuunissaa aalajangiussinnaavaa.

*Imm. 3.* Filmi taaguunneqarnerpaaq toqqaarneqassaaq.

*Imm. 4.* Filminik marlunnik imaluunniit amerlanernik naligiimmik taaguunneqartoqartillugu, filmit naligiimmik taaguunneqarsimasut akornanni taasisoqaqqissaaq. Filmit naligiimmik taaguunneqarsimasut akornanni nutaamik taasisoqartassaaq, filmi ataasiinnaq taaguunneqarsimasooq toqqaarneqarnissaata tungaanut.

*Imm. 5.* Ilaasorta q taasisinnaavoq allakkatigut pisussaaffiliinikkut, tamannalu taasisoqannginnerani takutinneqassaaq.

*Imm. 6.* Ataatsimiititaliaq aalajangiussisinnaatitaavoq, ilaasortat 50 procentiinit amerlanerit najuutsillugit.

### **Avammut saqqummiussineq**

§ 10. Ataatsimiititaliap siulittaasuata toqqaasoqarnerata kinguinnguatiigut filmi sorleq toqqaarneqarsimanersoq Film.gl-ip siulersuisuinut nalunaarutigissavaa e-mail aqputigalugu: info@film.gl.

*Imm. 2.* Filmi toqqaarneqarsimasooq pillugu avammut nalunaaruteqarneq ataatsimoortumik ingerlanneqassaaq ataatsimiititaliap siulittaasuanit, siulittaasup tullianit aamma Film.gl-ip siulersuisuinut.

### **Allattoqarfik**

§ 11. Ataatsimiititaliamut Film.gl-ip siulersuisui allattoqarfittut atuuppoq.

*Imm. 2.* Film.gl-ip siulersuisuisa allatsimik imaluunniit imaqarniliortumik

ataatsimiititaliamut neqerooruteqartanngilaq.

### **Aningaasalersornera**

§ 12. Film.gl-ip ataatsimiititaliamut ukiumoortumik minnerpaamik 2.000 kr.-nik aningaasartuutitassatut missingersuusiortassaaq.

*Imm. 2.* Ataatsimiititaliap aningaasat ataatsimiititaliap atuuffianut naleqquttunut aningaasartuutigisassatut aalajangiiffigisinnaavai. Film.gl-ip siulersuisuisa aalajangiiffigisinnaavaat aningaasartuut naleqquttuunersoq.

*Imm. 3.* Ataatsimiititaliap nammineerluni ataatsimiititaliap sulineranut atugassanik qinnuteqarsinnaanngilaq.

*Imm. 4.* Ataatsimiititaliap Film.gl-ip siulersuisui immikkut atugassanik aningaasaliissutinik qinnuigisinnaavaat.

*Imm. 5.* Filminik aallernermi, tigusaqarnermi, nalilersuinermi toqqaanermilu akiliummik noqqaasoqartanngilaq.

### **Allannguutit**

§ 13. Film.gl-ip siulersuisui malittarisassanut allannguutissanik aalajangiisinnaavoq.

*Imm. 2.* Malittarisassanik allannguutissanik aalajangiineq Film.gl-ip siulersuisuini nalinginnaasumik amerlanerussuteqarnikkut aalajangiunneqartarpoq.

*Imm. 3.* Allannguutissanik aalajangiinerit susassaqartunut erngertumik nalunaarutigineqartassapput.

*Malittarisassat qulaaniittut Film.gl-ip siulersuisuisa aalajangiiffigaat 16. oktober 2022.*

*Kalaallit Nunaanni Eqqumiitsuliornermut Aningaasaateqarfik pillugu nutaanik ilaatorpaa 24. November 2022.*